

٣- ( أنا بعصي ربنا والشيطان بيعصي .. إيه الفرق بيني

وبين الشيطان ) ؟

الحوار بين الله والشيطان .. وإللي أعلن فيه الشيطان عن  
رفضه السجود لسيدنا آدم لحد إتهامه لله بأن الله هو إللي  
أغواه !

(فَبِمَا أَغْوَيْتَنِي لَأَقْعُدَنَّ لَهُمْ صِرَاطَكَ الْمُسْتَقِيمَ)

وتهديد و وعيد..

نطلع منه بخلاصه :

أن إبليس لا يشعر ( بالذنب ) .. مفيش أي شعور ( بالندم ) .. أنا  
طبعاً (مش غلطان) .. مش كده وبس ده إنت يا رب ( أغويتني )!  
إنت (السبب ) في إللي أنا فيه ..

ذنب .. عن إقتناع ومع سبق الإصرار !!

ليه ؟

بسبب :

الكبر .. الإيجو .. الأنا!

ينتج عنه :

التأله الزائف .. (أَنَا رَبُّكُمْ الْأَعْلَى )

وبالتالي :

النديه مع الله والتحدي!

طيب ما كتير من البشر بيتَّسم بالمواصفات دي .. إيه الفرق ؟

الفرق الدرجه .. والمستوى :

إنت البدايه بتعمل ده مع بشر

إبليس وصل بيه إنه يعمله مع الإله!

إنت .. بتعترف .. تندم .. تتوب ..

الشيطان .. لأ .. !

إنت فاهم إن في ذنب ..

الشيطان لا يعرف معنى الذنب !

الفرق بينك وبين الشيطان في كلمه ( الندم ) !!!!!

طيب لو مبتعترفش ومبتندمش ؟؟

لو بتأله نفسك .. ؟؟